

**Қорақалпоғистон Республикаси
Санитария-эпидемиологик
осойишталик ва жамоат
саломатлиги хизматининг
2022 йил 18апрелдаги
23-П-сон буйруғига 9-илюва**

**Коррупциявий ҳатти-ҳаракатлар содир этилганда
хизмат текширувлари ўтказиш бўйича
РЕГЛАМЕНТ**

I. Умумий қоидалар

1. Мазкур Регламент Қорақалпоғистон Республикаси Санитария-эпидемиологик осойишталик ва жамоат саломатлиги хизмати (кейинги ўринларда –Ташкилот) ходимлари томонидан Ўзбекистон Республикасининг коррупцияга қарши курашишга оид қонунчилиги ёки коррупцияга қарши курашишга оид ички идоравий ҳужжатларини бузилишига нисбатан хизмат текширувини (кейинги ўринларда – Хизмат текшируви) ўтказишни белгиловчи ички идоравий ҳужжати ҳисобланади.

2. Мазкур Регламент қўйидаги мақсадларда ишлаб чиқилган:

Бошқармада Хизмат текшируви ўтказишга ягона ёндашувни белгилаш;

Хизмат текшируви ўтказиш жараёни ва натижаларини ҳужжатлаштириш талабларини белгилаш;

Бошқармада қоидабузарликлар содир этиш, зиён етказишга олиб келадиган сабаб ва шартларни аниқлаш ҳамда бартараф қилиш;

Бошқармада қабул қилинган ички ҳужжатлар ва назорат таомилларидағи камчиликларни аниқлаш ва келгусидаги қоидабузарликларга йўл қўймаслик мақсадида уларни бартараф қилиш бўйича тавсияларни ишлаб чиқиш;

Бошқарма ва унинг ходимларининг қўлланилаётган қонунчилик талабларини бузганлик учун жавобгарликка тортилиши хавфини камайтириш.

3. Хизмат текшируvida иштирок этаётган бошқарма ходимларига ушбу Регламент билан ўрнатилган талабларга риоя қилиниши учун шахсий жавобгарлик юклатилади.

4. Хизмат текшируви қўйидаги тамойиллар асосида ўтказилади:

қонунийлик;

ходимларнинг ҳуқуқ, эркинликлари ва қонуний манфаатларига риоя қилиш; фуқаролар ҳуқуқ ва эркинликларини таъминлаш ва ҳимоя қилиш;

Хизмат текшируви ўтказишда олинган ахборот ва материалларнинг конфиденциаллиги;

Бошқарма ходимлари томонидан Хизмат текшируви ўтказишдаги шаффоффлик, ҳалоллик, коллегиаллик, бетарафлик ва холислик;

Хизмат текшируви олиб борилаётган ходимнинг айбсизлик презумпцияси.

II. Хизмат текширувни тайинлаш

5. Хизмат текшируви бошқарма ходимлари томонидан Ўзбекистон Республикасининг коррупцияга қарши курашишга оид қонунчилиги ёки коррупцияга қарши курашишга оид ички идоравий ҳужжатларининг бузилганлиги тўғрисидаги асосли маълумотлар мавжуд бўлганда тайинланади.

6. Бундай маълумотлар қўйидаги манбалардан келиши мумкин:

Ходимларнинг бевосита раҳбар ёки бошқа ваколатли шахсга берган маълумоти;

жисмоний ва юридик шахсларнинг бошқарманинг мавжуд тармоқлар орқали юборган хабарлари, шу жумладан, аноним хабарлар;

жисмоний ва юридик шахсларнинг мурожаатлари;

оммавий ахборот воситаларида, шунингдек, ижтимоий тармоқлардаги маълумотлар;

Коррупцияга қарши ички назорат тузилмаси (кейинги ўринларда – Ички назорат тузилмаси) томонидан коррупцияга қарши ички талаблар мониторинги ва уларга риоя қилиш устидан назорат натижалари;

Ўзбекистон Республикаси Президенти, Вазирлар Маҳкамаси ва давлат хокимиятининг бошқа органларининг топшириқлари;

Бошқа каналлар орқали келиб тушган коррупциявий характердаги хабарлар.

7. Қўйидагилар Хизмат текшируви ташаббускорлари бўла олади:

Бошқарма раҳбари ва унинг ўринбосарлари;

худудий ва таркибий муассасалар раҳбарлари ва уларнинг ўринбосарлари;

Бошқарманинг Одоб-ахлоқ комиссияси;

Ички назорат тузилмаси (коррупцияга қарши курашишга масъул ходимдар);

Ташкилотнинг ички аудит ва молиявий назоратга жавобгар таркибий бўлинмаси раҳбари;

юридик хизмати раҳбари;

Бошқарманинг кадрлар бўлими раҳбари.

8. Коррупциявий хатти-ҳаракатлар тўғрисида келиб тушган ҳар қандай маълумотга нисбатан Ички назорат тузилмаси Хизмат текшируви ўтказиш учун етарли асос ва маълумотлар мавжудлиги, шунингдек, келиб тушган маълумотнинг бошқарма ходимларига алоқаси бор-йўқлигини аниқлаш нуқтаи назаридан дастлабки текширув ва таҳлил қилишни амалга оширадилар.

9. Бунда устидан Хизмат текшируви ўтказилиши мумкин бўлган ёки манфаатлар тўқнашуви мавжуд бўлган ходимларни дастлабки текширув жараёнига жалб қилиш тақиқланади.

10. Дастлабки текширув тегишли маълумот келиб тушган кундан бошлаб 10 (ўн) кундан ортиқ бўлмаган муддатда ўтказилади.

11. Дастлабки текширув Хизмат текшируви ҳисобланмайди.

12. Агар дастлабки текширув натижалари бўйича бошқармага алоқадор бўлган қоидабузарлик содир этилгани, содир этилиши мумкин бўлгани ёки содир этилаётганини тахмин қилишга асос борлиги аниқланса, у ҳолда Ички назорат тузилмаси раҳбари бошқарма раҳбари ёки унинг худудий ва таркибий муассасаси раҳбари номига ёзма хизмат хабарини жўнатади.

13. Агар Хизмат текшируви бошқарманинг худудий ва таркибий муассасаси раҳбари ёки унинг ўринбосарларига нисбатан тайинланган бўлса, хизмат хабари бошқарма раҳбарининг номига ёзилади.

14. Агар Хизмат текшируви бошқарма раҳбари ёки унинг ўринбосарларига нисбатан тайинланган бўлса, (Ўзбекистон Республикаси қонунчилиги ва бошқарманинг ички ҳужжатларида кўзда тутилган коррупциявий хатти-ҳаракатлар, шу жумладан манфаатлар тўқнашувини яширишга оид ҳолатларини содир этганликда гумон қилинган ҳолларда) у ҳолда тегишли маълумотлар Ички назорат тузилмаси томонидан ўрнатилган тартибда хуқуқни муҳофаза қилувчи органларга юборилади.

15. Бошқарма ёки худудий ва таркибий муассаса раҳбари хизмат хабари олинган кундан бошлаб 3 (уч) иш кунида Хизмат текшируви ўтказиш ёки ўтказмаслик тўғрисида қарор (буйруқ) қабул қиласди.

16. Бошқарма ёки худудий ва таркибий муассаса раҳбари хизмат хабари асосан тегишли материалларни хуқуқни муҳофаза қилувчи органларга Хизмат текшируви ўтказмасдан тақдим этиш тўғрисида қарор қабул қилиши мумкин.

17. Хизмат текшируви ўтказиш тўғрисида қарор қабул қилиш билан бир вақтда бошқарма ёки худудий ва таркибий муассаса раҳбари Хизмат текшируви ўтказиш бўйича ишчи гурӯҳ раҳбарини тайинлайди ва унга ишчи гурӯҳ таркибини шакллантиришни ва хизмат текширувни ўтказиш тўғрисида буйруқ тайёрлаш вазифасини топширади.

18. Хизмат текшируви ўтказиш тўғрисидаги буйруқда қуйидагилар кўрсатилади:

Хизмат текшируви предмети (мавзуси);

Хизмат текшируви ўтказилишига асос бўлган сабаб ёки вазият;

Хизмат текшируви ўтказишга сабаб бўлган қоидабузарликни содир этишда гумон қилинаётган ходим (лар), у (лар)нинг ФИШ ва лавозими (бўлинма (бошқарма, бўлим) номи) маълум бўлса;

Хизмат текширувни ўтказиш учун маъсул бўлган ишчи гурӯҳ таркиби;

Ишчи гурӯҳ раҳбари ва аъзоларининг хуқуқ ва мажбуриятлари;

Хизмат текширувни ўтказиш ва натижаларни тақдим этиш муддати.

19. Хизмат текшируви ўтказиш тўғрисидаги буйруқ лойиҳаси бошқарма ёки худудий ва таркибий муассаса раҳбарига имзолаш учун Хизмат текшируви ўтказиш тўғрисидаги қарор қабул қилинган санадан бошлаб 3 кун ичida тақдим этилиши керак.

III. Хизмат текшируви ўтказиш бўйича ишчи гурӯҳ тузиш

20. Хизмат текширувни ўтказиш бўйича ишчи гурӯҳ таркиби, Ишчи гурӯҳ раҳбари таклифига асосан тузилади, қоида тариқасида унга ички назорат тузилмалари, кадрлар билан ишловчи бўлинмалар, юридик хизмат, ички аудит ва молиявий назорат бўлинмалари ҳамда лавозим мажбурияти Хизмат текшируви предмети бўлган ёки шунга яқин бўлган бошқа бўлинмалар ходимлари киритилиши мумкин.

21. Таркибий ва худудий муассасалар томонидан ташкил этилган ишчи гурӯҳ таркибига марказий аппарат ходимлари киритилиши мумкин.

22. Қуйидаги ходимлар ишчи гурӯҳ таркибига киритилмайди:

Хизмат текшируви ўтказилаётган ходимнинг яқин қариндошлари;

Хизмат текшируви ўтказилаётган ходимнинг бевосита бўйсунувидаги ходим;

Хизмат текшируви ўтказилаётган ходимнинг бевосита раҳбари (бошқарма, худудий ва унинг таркибий муассасаси раҳбари бундан мустасно);

Хизмат текшируви ўтказилаётган йўналишни бошқараётган ташкилот, худудий ва таркибий бўлинма раҳбарининг ўринbosарлари;

текширув якунидан бевосита ёки билвосита манфаатдор эканлиги ҳақида гумон (масалан бирга тълим олган, бир ҳудуддан бўлган, ишқий муносабатларда, хизмат текшируви ўтказилаётган ходим билан ошкора зиддиятга эга ва х.) бўлган бошқа ходимлар.

23. Ишчи гурухни шакллантириш учун маъсулият ишчи гурух раҳбари зиммасида бўлади. У мазкур Регламентнинг 22-бандида кўрсатилган потенциал манфаатлар тўқнашуви ҳолати мавжудлиги бўйича гурух аъзоларини текшириши шарт.

IV. Хизмат текширувини ўтказиш

24. Хизмат текшируви тегишли буйруқ имзолаган санадан бошлаб 30 кундан ортиқ бўлмаган муддатда ўтказилиши керак.

25. Агар Хизмат текшируви жараёнида 24-бандда кўрсатилган муддатнинг узайишига олиб келадиган қўшимча тартиб-таомиллар (шу жумладан, ходимлар ва бошқа шахслар орасида қўшимча сўровнома ўтказиш) ўтказилиши, қўшимча ҳужжатларни сўраб олиш талаб этилса, у ҳолда ишчи гурух раҳбари бу ҳақда маълум бўлиши билан мажбурий тартибда, Хизмат текшируви тўғрисидаги буйруқни имзолаган раҳбарни хабардор қиласи. Бундай ҳолатларда, Хизмат текширувини ўтказиш муддати қўшимча 30 (ўттиз) календарь кунидан ортиқ бўлмаган муддатга узайтирилиши мумкин.

26. Устидан Хизмат текшируви ўтказилаётган ходим йўқ бўлган ҳолда (таътил, касаллик, хизмат сафари ва бошқалар), у вақтинча тўхтатилади, унинг муддати эса автоматик тарзда ушбу ходим йўқ бўлган даврга узайтирилади.

Агар ходим 30 (ўттиз) календарь кунидан ортиқ муддатга йўқ бўлган ёки Хизмат текшируvida иштирок этишдан бошқа усул билан бош тортган ҳолда, Хизмат текшируви бошқарма, худудий ва таркибий бўлинма раҳбари билан келишган ҳолда ходимнинг иштирокисиз ўтказилиши мумкин ва ушбу ҳолат Хизмат текшируви натижаларида қайд этилади.

27. Устидан Хизмат текшируви ўтказилаётган ходимга, ишчи гурух раҳбарининг тавсиясига асосан бошқарма, худудий ва таркибий муассаса раҳбари буйруғи билан маълум бир ахборот тизимлари, муайян ҳужжатлардан фойдаланишга чеклов қўйилиши мумкин. Ушбу ҳолатда қабул қилинган буйруқ ҳақида, устидан хизмат текшируви ўтказилаётган ходим, ўша куниёқ буйруқقا имзо чектирилган ҳолда таништирилади. Буйруқ билан танишиш рад этилган ҳолда бу ҳақида ишчи гурух раҳбари томонидан далолатнома тузилади.

28. Ходимга нисбатан маълум бир ахборот тизимлари, муайян ҳужжатлардан фойдаланишга чеклов қўйишга оид буйруқ Хизмат текшируви ўтказишнинг муддатидан ортиқ бўлмаслиги керак.

V. Хизмат текширувини ўтказиш давомида ўрганиладиган маълумотлар

29. Хизмат текшируванинің ўтказиши давомида ишчи гурух қоидабузарликка алоқадор бўлган маълумотларни тўплаш, таҳлил қилиш ва хужжатлаштириш ишларини амалга оширади, шу жумладан:

қоидабузарлик, уни содир этиш сабаблари нимада акс этади;

Қоидалари бузилган Ўзбекистон Республикаси қонунчилиги ва бошқарманинг ички идоравий хужжатлари талаблари;

Қоидабузарликни содир этилиш вақти, жойи, усули;

Қоидабузарликни содир этишга жалб қилинган шахслар доираси (бошқарма ходимлари билан бир қаторда учинчи шахслар ҳам);

қоидабузарликнинг оғирлик даражаси;

бошқармага етказилган моддий ва номоддий заарнинг қўриниши ва қўлами;

Қоидабузарликни содир этишга алоқадор бўлиши мумкин бўлган бошқа маълумотлар.

30. Хизмат текшируванинің ўтказиши давомида олинадиган маълумотлар манбаси қуйидагилар бўлиши мумкин:

устидан Хизмат текшируви ўтказилаётган ходим, бошқарманинг бошқа ходимлари, учинчи шахсларнинг ёзма ёки оғзаки тушунтиришлари;

тасдиқловчи хужжатлар (ёзма ва электрон шаклда);

интернет тармоғига жойланган ахборот манбаларининг маълумотлари;

аудиоёзувлар, фото- ва видеосъемкалар;

қоидабузарликка алоқадор бўлган бошқа материаллар.

31. Юқорида санаб ўтилган барча, шу жумладан конфиденциал маълумотлар ишчи гурух томонидан бошқармада қабул қилинган барча таомилларни қўллаган ҳолда, шунингдек, бошқарманинг ички ҳужжатлари ва Ўзбекистон Республикаси қонунчилигига мувофиқ олиниши ва фойдаланилиши керак.

32. Бошқарма ходимлари ёки жалб этилган бошқа шахслар билан ўтказилган сұхбат жараёни аудио ёки видео қайд қилиниши, сұхбат тўғрисида баённома тузилиши керак (аудио ёки видео қайдлар Хизмат текшируви материалларига қўшиб қўйилади).

Аудио ва видео қайдни амалга оширишдан олдин сұхбат ўтказилаётган шахснинг розилиги олинади. Розилик берилмаса аудио ва видео қайдни амалга оширувчи ускуналардан фойдланишга йўл қўйилмайди.

33. Устидан хизмат текшируви ўтказилаётган ёки бошқа ходимнинг сұхбат ёки тушунтириш беришдан бош тортилган ҳолларда ушбу Регламентнинг 1-иловасига мос шаклда далолатнома расмийлаштирилади.

34. Ишчи гурух раҳбари мазкур ходимни далолотнома билан танишганлигини тасдиқлаш учун унга имзо қўйиши зарурлиги тўғрисида хабардор қиласи. Агар ходим ҳужжатга имзо қўйишдан бош тортса, у ҳолда ишчи гурух раҳбари ҳужжатга имзо қўйишдан бош тортганлиги тўғрисида тегишли белги қўяди.

35. Устидан текширув ўтказилаётган ходим томонидан далолотномага (ёки бошқа ҳужжатларга) имзо қўймаслик унга нисбатан тегишли таъсир чорасини қўллашни истисно қиласи.

VI. Ишчи гурух раҳбари ва аъзоларининг хуқуқ ва мажбуриятлари

36. Ишчи гурух раҳбари Хизмат текширувининг самарадорлиги ва натижаси, шунингдек, ишчи гурух аъзоларининг мазкур Регламент билан белгиланган талабларга амал қилишлари учун маъсул бўлади.

37. Хизмат текшируви ўтказиш давомида ишчи гурух раҳбари қуйидаги вазифаларни амалга оширади:

Хизмат текшируви ўтказишнинг йўналишлари, амалга ошириладиган тадбирларни белгилайди, ишчи гурух аъзолари олдига вазифалар қўяди;

Ишчи гурух томонидан Хизмат текшируви ўтказилишини ташкиллаштиради ва мувофиқлаштиради;

Ишчи гурух томонидан Хизмат текширувининг ушбу Регламентга мувофиқ равишда ўтказилишини назорат қиласди;

сухбат ўтказиш, тушунтириш талаб қилиб олиш зарур бўлган ходимлар рўйхатини тузади;

Хизмат текширувни холис ва самарали ўтказиш учун зарур бўлган чоралар кўрилишини таъминлайди (масалан, бошқармадаги маълумотларни йўқ қилиш жараёнларини тўхтатиб туришни талаб қиласди, тегишли ходимларга нисбатан текширув ўтказилаётган даврда маълум бир ахборот тизимлари, муайян хужжатлардан фойдаланишга чеклов қўйишни тавсия қиласди, зарурият туғилганда текширувни ўтказишнинг максимал муддатларини узайтириш бўйича таклиф тайёрлайди ва бошқалар.);

Бошқарма, худудий ва таркибий муассаса раҳбарига Хизмат текшируви натижаларининг тақдим этилишини таъминлайди.

38. Хизмат текширувни ўтказишда ишчи гурух раҳбари ва аъзолари қуйидаги ҳукуқларга эга:

Бошқарма ходимлари билан сухбат ўтказиш, тушунтириш хати олиш, текширув моҳияти тўғрисида маълумотга эга бўлиши мумкин бўлган учинчи шахслар, шунингдек, ташки экспертларни уларнинг розилиги билан Хизмат текшируви жараёнига таклиф қилиш. Учинчи шахслар ва ташки экспертларни жалб қилиш масаласи бошқарма, худудий ва таркибий бўлинма раҳбари билан келишиши шарт;

сухбатни ёзма шаклда ёки зарурият туғилганда тушунтириш берадиган шахснинг розилиги билан аудио ва видео қайд этувчи ускуналар қўллаш билан қайд этишини амалга ошириш;

Бошқарма ходимларидан Хизмат текширувига алоқадор бўлиши мумкин бўлган материалларни олиш;

Бошқарманинг мулкининг бус-бутунлигини хатлов ва тафтишдан ўтказиш;

Ўтказилаётган Хизмат текшируви доирасида ўз лавозим мажбуриятларини бажариш учун фото- ва видеоқайдларни амалга ошириш.

39. Ишчи гурух раҳбари ва аъзолари мажбуриятлари:

Хизмат текширувни ўтказишда ушбу Регламент, бошқарманинг бошқа ички хужжатлари ва Ўзбекистон Республикаси қонунчилиги талабларига амал қилиш;

Хизмат текшируви моҳияти бўйича мавжуд барча материалларни тўплаш;

Хизмат текшируви мақсадлари учун аҳамиятга эга бўлган маълумотларнинг бутлигини саклаш бўйича чоралар кўриш;

мазкур Регламент, бошқарманинг бошқа ички хужжатлари ва Ўзбекистон Республикаси қонунчилигида кўзда тутилган ҳолатлардан ташқари Хизмат

текшируви ўтказиш доирасида олинган маълумотларнинг мутлақо конфиденциаллигини сақлаш ва ошкор қиласлик;

мазкур Регламент талаблариға мувофиқ равиша текширув натижаларини расмийлаштириш, шу жумладан, жавобгарлик чоралари, шунингдек, қоидабузарлик сабаблари ва қоидабузарликни содир этишга туртки бўлган шартларни бартараф қилиш имконини берадиган чораларни қўллаш бўйича таклифлар ишлаб чиқиши.

VII. Устидан Хизмат текшируви ўтказилаётган ходимларнинг ҳуқуқлари

40. Хизмат текшируви ўтказилаётган ходим қўйидаги ҳуқуқларга эга:

Хизмат текшируви ўтказиш факти тўғрисида хабардор бўлиш;

қоидабузарликнинг содир этилиши сабаблари ва шароитлари, Хизмат текширувининг бориши хақида ўз фикр-мулоҳазаларини ифодалаш ҳуқуқи билан ёзма ва оғзаки тушунтиришлар бериш, шунингдек, унинг тушунтиришларини тасдиқлаши мумкин бўлган исбот-далилларни тақдим этиши;

Тушунтиришлар тақдим этишдан бош тортиш – бу ҳолда ушбу Регламентнинг 33-бандида кўзда тутилган далолатнома тузилади;

ўзи томонидан тақдим этилган, ўтказилаётган Хизмат текшируви, Хизмат текшируви материалларига алоқадор бўлган ҳужжат ва материалларга қўшиб қўйишни талаб қилиш;

Хизмат текшируви тугаганлиги тўғрисидаги хабарни олиш ва бундай хабар олингандан кейин 2 (икки) кун ичида Хизмат текшируви маълумотномасининг унга тегишли қисми билан у тасдиқланишига қадар танишиш (у фойдаланиш ва ўз мулоҳазаларини қўшиб қўйиш ҳуқуқига эга бўлмаган конфиденциал ахборотдан ташқари);

Хизмат текшируви натижаларидан, шу жумладан, ишчи гуруҳ томонидан текширув якунлари бўйича таклиф этилган таъсир чорасидан норози бўлган тақдирда ушбу қарор устидан ташкилот раҳбариға ёки юқори турувчи идораларга шикоят қилиш.

VIII. Хизмат текширувини ўтказишга жалб қилинадиган бошқа ходимларнинг ҳуқуқ ва мажбуриятлари

41. Хизмат текширувини ўтказишга жалб қилинадиган ходимлар Хизмат текширувини ўтказишида ишчи гурухга ҳар томонлама кўмак бериш, шу жумладан, Хизмат текшируви бўйича талаб қилинган тушунтиришлар, маълумот ва ҳужжатларни беришлари, ишчи гуруҳ аъзолари томонидан ташкил этиладиган сухбатда иштирок этишлари шарт.

42. Хизмат текширувини ўтказишга жалб қилинаётган ходимлар уларнинг текширувда иштирок этишлари сабабли уларга маълум бўлган Хизмат текшируви маълумотларини ошкор қилишга хақли эмаслар.

43. Хизмат текширувини ўтказишга жалб қилинаётган ходимлар қўйидаги ҳуқуқларга эга:

Ўзлари ва яқин қариндошларга қарши гувоҳлик бермаслик;

бошқарма раҳбариға ишчи гуруҳ раҳбари ва аъзоларининг харакатлари (харакатсизлиги) устидан шикоят қилиш.

IX. Хизмат текшируви натижаларини расмийлаштириш

44. Хизмат текшируви натижалари бўйича ишчи гурух раҳбари, унинг барча аъзолари, Хизмат текшируви ўтказилаётган ходим томонидан имзоланадиган маълумотнома тузилади.

45. Маълумотнома мазкур Регламентга 2-иловага мувофиқ шаклда тузилиб, кириш, баён, хулоса ва таклиф қисмдан иборат бўлади.

46. Маълумотнома ёки унинг алоҳида бандларидан норози бўлган ишчи гурух аъзоси шунингдек устидан Хизмат текшируви ўтказилаётган шахс ёзма равишда расмийлаштирилган ва ишга тиркалган ҳолда алоҳида фикрда эканлигини билдирган белги билан маълумотномага имзо қўйиши мумкин.

47. Устидан Хизмат текшируви ўтказилаётган шахс маълумотномага имзо қўйишдан бош тортган ҳолларда далолотнома расмийлаштирилади. Ушбу далолотномага ишчи гурух аъзоларидан ташқари, Хизмат текшируви натижаларидан манфаатдор бўлмаган камида икки нафар шахс имзо қўйиши лозим.

48. Маълумотномага асосан ташкилот, ҳудудий ва таркибий бўлинма раҳбари қўйидаги қарорларни қабул қилиши мумкин:

қоидабузарлик тўғрисидаги маълумот тасдиқламаганилиги муносабати билан Хизмат текширувани тўхтатиш;

сабаблар ва муддатлари кўрсатилган ҳолда Хизмат текшируви материалларини қўшимча ишлаш учун, зарурият туғилганда эса – ишчи гурух таркибини ўзгартириш учун қайтариш;

айбдор ходимга нисбатан тегишли таъсир чорасини қўллаш;

ходимга нисбатан огоҳлантириш, профилактик ҳарактердаги чораларни қўллаш;

келгусида шу каби қоидабузарликлар содир бўлишининг олдини олиш бўйича тегишли чора-тадбирларни ишлаб чиқиш;

хуқуқбузарлик ёки жиноят аломатлари тасдиқланган ҳолда, тегишли материалларни хуқуқни муҳофаза қилувчи органларига тақдим этиш.

49. Хизмат текшируви натижалари тўғрисидаги маълумотнома Ички назорат тузилмасига, кадрлар бўлимига тақдим этилади.

50. Хизмат текшируви ўтказилишига сабаб бўлган маълумот ҳақида хабар берган шахслар қоидабузарлик тасдиқлангани ёки тасдиқланмагани, шунингдек кўрилган чоралар ҳақида умумий тарзда хабардор қилинади.

XI. Хизмат текширувига оид ҳужжатларни сақлаш ва улардан фойдаланиш

51. Хизмат текшируvida иштирок этаётган бошқарма ходимлари текшируv давомида уларга маълум бўлган ахборотнинг конфиденциаллигини таъминлайдилар (Ўзбекистон Республикаси қонунчилигига кўзда тутилган ҳолатлар бундан мустасно).

52. Ўтказилган Хизмат текшируви доирасидаги маълумотлардан ваколатли фойдаланиш хуқуқига фақат бошқарма раҳбари, Ички назорат тузилмаси ва ишчи гурух аъзолари (мазкур ишчи гурух аъзоси иштирок этган текширувлар бўйича) эга.

53. Ўз лавозим вазифаларини бажариш учун ўтказилган Хизмат текширувлари ҳақидаги ахборотдан фойдаланиши зарур бўлган ходимлар, ушбу ахборотдан фойдаланиши учун бошқарма, худудий ва таркибий муассаса раҳбарининг ёзма розилигини олиши лозим.

54. Хизмат текширувига оид материаллар ишчи гурух раҳбари томонидан алоҳида йигмажилдга рақамланган ва тикилган ҳолда Ички назорат тузилмаси ва Кадрлар бўлинмасига топширилади.

55. Бошқарманинг марказий аппаратидаги Ички назорат тузилмаси, худудий ва таркибий бўлинмалардаги ушбу вазифа юкланган бўлинмалар мазкур Регламентга 3-иловага мувофиқ шаклда Хизмат текширувлари электрон реестрини юритилишини таъминлайди. Худудий ва таркибий бўлинмалар ўтказилган Хизмат текширувлари электрон реестрини ҳар чорақда Ички назорат тузилмасига тақдим этишлари шарт.

56. Хизмат текширувига оид барча ҳужжатлар, агар бошқача тартиб Ўзбекистон Республикаси қонунчилигига кўзда тутилмаган бўлса, тасдиқланган вақтдан бошлаб 10 (үн) йил давомида сақланиши лозим.

Ходимларнинг коррупциявий хатти-харакатлари
устидан хизмат текширувлари ўтказиш
бўйича Регламентга 1-илова

ДАЛОЛАТНОМА

«___» _____ 20__ й.

Биз, куйида имзо чекувчилар

(ФИШ, лавозими)

(ФИШ, лавозими)

(ФИШ, лавозими)

Ходим (ФИШ, лавозими) 20—йилнинг «--»да

_____, дан иборат бўлган
қоидабузарлик содир этилганлиги тўғрисида ёзма тушунтириш бериш таклиф этилган бўлиб, у ёзма
тушунтириш беришни рад этгани тўғрисида ушбу актни туздик.

Ёзма тушунтириш беришни рад этганлиги сабабларини ходим (ФИШ, лавозими) қуидагилар
билин изоҳлади

рад этганлик сабаблари эркин шаклда баён этилсин). (тушунтириш беришни

Далолотнома тузган шахслар имзоси:

_____ (имзо)	_____ (ФИШ)
_____ (имзо)	_____ (ФИШ)
_____ (имзо)	_____ (ФИШ)

Далолотнома билан танишдим*: (ФИШ, лавозим, сана, имзо) _____

* Далолотномага имзо қўйишдан бош тортса, ишчи гурӯҳ раҳбари «имзолашдан бош тортди» ёзувини киритиб, ўзи
имзо қўяди.

Ходимларнинг коррупциявий хатти-харакатлари
устидан хизмат текширувлари ўтказиш
бўйича Регламентга 2-илова

Хизмат текшируви натижалари тўғрисида маълумотнома
—сон

1. Асос: Бошқарма раҳбарининг буйруги (сана ва рақами)

2. Ишчи гурух таркиби:

Ишчи гурух раҳбари _____

(лавозими, фамилияси, инициаллари)

Ишчи гурух аъзолари _____

(лавозими, фамилияси, инициаллари)

3. Хизмат текширувани ўтказилган муддати:

4. Текширув ўтказиши учун асослар (келиб тушган хабарнинг қисқача мазмуни): _____

5. Баён қисми (хизмат текшируvida аниқланган фактлар):

қоидабузарлик содир бўлганми ва у нималарда ифодаланган;

коидабузарлик содир этилган жойи, вақти, усули ва қоидабузарликни содир этишининг бошқа шароитлари;

Хизмат текшируви ўтказилаётган ходим(лар)нинг маълумотлари (ФИШ, лавозими, (тузилмавий бўлинма номи (бошқарма, бўлим номини кўрсатган ҳолда), меҳнат шартномаси тузилган сана, ушбу ходимга нисбатан Хизмат текшируви аввал ҳам ўтказилганми);

коидабузарликни содир этишга алоқадор бўлган шахслар доираси;

коидабузарликни содир этиш мақсадлари ва сабаблари;

коидабузарликни содир этишга турткি бўлган сабаб ва шартлар;

конкрет ходимнинг айборлигини тасдиқловчи ёки унинг айбизилигига гувоҳлик берувчи тўпланган маълумотлар таҳлили;

Хизмат текшируви ўтказилаётган ходимнинг ўз химояси учун келтирган далиллари, уларни текшириш натижалари.

6. Хулоса ва таклифлар:

а) хулоса қисмида:

Хизмат текшируви ўтказилган шахс(лар)нинг харакат(лар)ида (харакатсизлигига) қоидабузарлик мавжуд ёки йўқлиги тўғрисида хулоса;

коидабузарлик бўлса, талаблари бузилган Ўзбекистон Республикаси қонунчилиги ёки бошқарманинг ички ҳужжатлари номи, санаси ва бузилган қоида мазмуни;

коидабузарлик содир этиш натижасида етказилган зарар характеристи ва кўлами (мавжуд бўлса);

б) таклиф қисмида

айбор шахс (лар)ни жавобгарликка тортиш бўйича таклифлар;

коидабузарлик содир этишга олиб келадиган сабаб ва шартларни бартараф қилишга қаратилган тавсиялар;

Хизмат текшируви материалларини ҳуқуқни муҳофаза қилиш органларига тақдим этиш зарурияти.

Ишчи гурух аъзолари имзолари:

Маълумотнома билан танишдим*:

(ФИШ, лавозими)

(имзо)

(сана)

* Маълумотномага имзо қўйишдан бош тортса, ишчи гурух раҳбари «имзолашдан бош тортди» ёзувини киритиб, ўзи имзо қўяди.

Ходимларнинг коррупцияйи хатти-харакатлари
устидан хизмат текширувлари ўтказиш
бўйича Регламентга З-илова

Хизмат текширувлари электрон реестри